



30

R. P. D.

FALCONERIO

Toletana Decimarum super bono Iure  
quoad Tenutas de Perobequez,  
& Vrtada.

*Veneris 30. Iunij 1724.*



Ostquàm in Sacro Tribunali rejecta fuerat prætenſio Monialium Ordinis Sancti Dominici Toleti circa aſſertam exemptionem à ſolutione Decimarum ex Bonis, quæ proprijs Monaſterij ſumptibus colerentur, canonizato per Sententiam diſſinitiuam bono Iure Reuerendiſſimi Archiepiſcopi eiusdem Ciuitatis, etiàm ad effectum manutentionis, *ut ex deciſione*

*fione ante dictam Sententiam edita 23. Iunij 1721. coram bonæ me-  
morie Foscari, Causæ cognitio in gradu appellationis deuoluta fuit  
ad R. P. D. Cerrum : Et quia Moniales. allegatam exemptionem  
tueri non destiterunt saltē quoad nouem Tenutas, quæ diu pro-  
prijs Monasterij expensis cultæ supponebantur ; Hinc strictè assū-  
pta inspectione quoad singula Tenimenta, geminæ emanarunt re-  
solutiones, altera in totum approbans bonum Ius Archiepiscopi,  
& altera excipiens binas tantū ex recensitis Tenutis, nempe il-  
lam de Perobezquez, & Vrtada, vt ex decisionibus editis 26. Iu-  
nij 1722., & 15. Ianuarij 1723., ad quarum tenorem quauis  
concessa fuerit noua Audientia respectu dictarum Tenutarum, quæ  
ultimo loco declaratæ fuerant exemptæ à solutione Decimarum,  
tamē in reliquis partibus Causa fuit iterū expedita mediante  
promulgatione Sententiæ confirmatoriæ ; Idcirco directa mihi vl-  
terioris appellationis Commissione vltra dubium principale con-  
cernens confirmationem, vel infirmationem dictę Sententiæ, de  
quo in contemporanea decisione, proponi etiā contigit coram Me  
in hodierna Audientia aliud dubium = An sit standum in primo, vel  
secundo loco decisio quoad Tenutas de Perobezquez, & Vrtada =, & re-  
sponsum accepi = In secundo loco decisio =*

Quauis enim apud Dominos non fuerit in dubium reuocatum, quod  
Reuerendissimus Archiepiscopus generalitē fundatam habeat in-  
tentionem pro exactione Decimarum super omnibus, & singulis  
Bonis suæ Diocesis, tū ex assistentia iuris, tū ex consuetudine  
vigente in tota Diocesi Toletana, ex firmatis in contemporanea de-  
cisione super bono Iure §. Validitas; Nihilominus cū Monaste-  
rium Sancti Dominici respectu Tenutarum de Perobezquez, & Vr-  
tada hodiē iterū docuerit de longqua, ac immemorabili consue-  
tudine non soluendi controuersas Decimas, necessariō emergere  
videbatur ius exemptionis super hisce binis Tenimentis benē cano-  
nizatum, & approbatum extitisse in postrema decisione R. P. D.  
mei Cerri fauore ipsius Monasterij Sancti Dominici, non verō fa-  
uore Reuerendissimi Archiepiscopi ; præstatio quippē Decima-  
rum, siuē ex iuris dispositione, siuē ex particulari consuetudine  
facienda, vt certum est, potest contraria consuetudine coerce-  
ri, vel destrui, quatenus ista fuerit legitimē inducta mediante  
præscriptione immemorabili Abb., & Felin. in cap. Cum Aposto-  
lica de ijs, quæ sunt à Prælat., & in cap. Causam num. 3. de præ-  
script., Rebuff. de Decim. quæst. 13. num. 46. & 69., Rot. in Re-  
decis. 23. num. 1. & seq. part. 6. : Eaque posita, validissimus ori-  
tur titulus ad allegandam exemptionem non soluendi Decimas,  
validēque etiā contraponitur assistentiæ iuris militantis fauore  
Decimatoris vniuersalis, prout est Reuerendissimus Archiepisco-  
pus, iuxta Gloss. in cap. In aliquibus vers. quia Clerici de Decim.,  
Card. de Luc. de Decim. dist. 1. num. 9. & 10., Rot. coram de-

*decis. 110. num. 2. & seq. in Rec. decis. 101. n. 3. part. 10., decis. 145. num. 12. & seq. part. 11., & in Hispanen. Decimarum 3. Febr. 1715. S. Distinguentes coram Emin. Scotto.*

Monasterium autem Sancti Dominici quoad dicta bina Prædia repetiri in longeva, ac immemorabili possessione, & consuetudine non soluendi controuersas Decimas, censuerunt Domini, sufficienter resultare ab examine plurium Testium facto de anno 1641; dum orta lite super prætenſa exactione Decimarum Lanæ, Casei, & Agnorum prouenientium ex Grege per dictum Monasterium introducto in Territorijs de *Pérobequez*, & *Vrtada*, dictæ Moniales aduersus Promotorem Fiscalem opposuerunt de consuetudine immemorabili non soluendi Decimas ex quacumque specie fructuum, qui colligebantur ex dictis Prædijs proprio ære, & sumptu excultis; Datoque per Iudicem Termino ad probandum, productisque articulis, citata Parte, ac seruatis seruandis completum fuit exâmen præfatorum Testium, & signanter *Francisci Burgos*, *Christophari de Auila*, & *Aloysij Gomez*, qui explicitè deposuerunt de visu, & certa scientia per annos 40., & ultra, deposuerunt de auditu à Maioribus, quòdque nihil unquam visum, vel auditum fuerit in contrarium, testantes de publica voce, & fama; Quibus concurrentibus requisitis dubitari non potest de perſecta, & concludenti probatione immemorabilis, iuxta *Gloss. in cap. 1. verb. Memoria de præscript. in 6.*, vt communiter tradunt *DD.*, & dixit *Rota coram Cels. decis. 110. num. 1. coram Caualer. decis. 56. num. 1., & coram Benineas. decis. 352. num. 2.*

Quin vrgere viſæ fuerint exceptiones iterum propositæ contra dictos Testes, *sive quia* Processus eorundem fuerit transumptus pendente lite, & sine compulſorialibus Sac. Auditorij; *sive quia* probatio nes factæ anno 1641. tamquàm expletæ in Iudicio possessorio, suffragari hodiè non possint in præſenti Iudicio petitorio; Conſtitit enim respectu processus dictorum Testium istum fuisse in Partibus exemplatum à Processu originali existente in Archiuio Cancellariæ Archiepiscopalis, & quidem à Cancellario Successore illius Notarij, qui de illo rogatus fuerat, citato etiam Agente generali reddituum decimalium; Et propterea stante exemplatione tam solemniter facta, vana remanet quælibet oppugnatio circa legalitatem antedicti Processus, etiamsi exemplatus extitisset sine litteris compulſorialibus Sacri Tribunalis, vt in similibus terminis aliàs respondit *Rota in recent. decis. 332. num. 4., coram Duno. Iun. decis. 942. num. 10., in Melleuitana Habitus 11. Decembris 1719. S. Nullaque coram bo. mem. Foscaro, & in Leodien. Decimarum super bono Iure 16. Iunij 1721. S. Probè coram Reuerendissimo Herrera*; Testes autem, ac probationes huiusmodi, quamuis Anno 1641. emanauerint in Iudicio possessorio, quia tamen factæ non extiterunt cum simplici summaria informatione, sed benè post assumptam plenariam



riam cognitionem, prævio scilicet termino per Iudicem assignato ad probandum, productisque articulis, ac citata Parte, hinc Testes prædicti tali pacto formiter examinati in Iudicio possessorio, plenam constituunt probationem etiam in Iudicio petitorio, vt distinguendo casum à casu bene firmatum fuit in *postrema decisione præsentis causæ super bono Iure* 15. Ianuarij 1723. S. *Quin reficari coram R.P.D. meo Cerro*, & consonant tradita per *Abb. in cap. causam, quæ num. 7. de Testib., Bursat. cons. 75. num. 8. lib. 1., Rot. in recent. det. 360. num. 9. par. 5.*

Similique modo attendi non meruit, quòd dd. Testes examinati, ac repetiti fuerint super controversia Decimarum ex fructibus Ouium Lana, Cæso, & Lactæ; Ideoque prodesse non possint in præsentilite vertente super Decimis prædialibus soluendis ex fructibus dd. Tenuarum.

Vltra quòd enim Decimæ, quæ soluuntur ex grege nouiter introducto magis propriè accedunt Decimis prædialibus tamquam subrogata loco segetum, quæ prius percipiebantur, vt probat *dicta postrema decisio, quæ reuideretur S. Ita etiam &c.*, cessare apud Dominos visa fuit quælibet difficultas, nam denuò recognitum fuit in facto, quòd licet quæstio excitata de anno 1641. promota particulariter fuisset ob Gregem tunc temporis introductum in dictas Tenutas de Perobezquez, & Vriadu, nihilominus Moniales ad euitandam ex illo solutionem Decimarum, assumpserunt probationes immemorabilis consuetudinis, ac libertatis illas non soluendi ex quibuscumque fructibus, qui recolligebantur ex præfatis Tenuis, Monasterij sumptibus excultis; Et propterea cum ex his pateat, exemptionem à Decimis animalium in dicto Iudicio comprobatam extitisse in vim generalis exemptionis à Decimis prædialibus, dubitari vtique non potuit de Testium releuantia, non minus respectu animalium, quàm respectu aliorum fructuum, qui generaliter ex dictis prædijs colligi contingat, & super quibus principaliter cadit eorum depositio *Rota coram Emerico Iun. decis. 45. sub num. 4. vers. ad tertium*, & probat *d. decisio R.P.D. Cerri* 15. Ianuarij 1723. S. *Ita etiam &c.* quamuis Iudex tunc pronunciauerit tantum quoad Decimas pecudum, non verò super omnibus, & singulis fructibus, quia id accidit ob limitatam instantiam in dicto Iudicio promotam per Ministrum Reuerendissimi Archiepiscopi, vnde Iudicis decretum non pugnat, nec remanet incompatible cum probationibus generaliter factis, sed sat est, quòd iudicialis definitio facta respectu animalium fundetur in generali ratione præcedentis immemorabilis, vt canonizatus remaneat titulus ab omni exceptione immunis; vt in proposito firmavit *Rota in Gnesnen. Decimarum* 16. Iunij 1715. S. *Adhuc tamèn cor. Eminentissimo Alban.*

Neque in his circumstantijs dici potest, quòd ita minus congruè fiat extensio de re ad rem; Posito siquidem, quòd definitio fructuum respe-

respectu vnius Prædij, trahi non proponatur ad exemptionem alterius diuersi Prædij, sed res sit de eximendis a solutione Decimarum fructibus, sublato grege, iterum collectis, & colligendis ex eisdem Tenuris de *Perobezquez*, & *Vrtada*, prout ante consueuerat, profecto cessat quælibet asserta extensio, nam sicuti fauore Decimatoris vniuersalis in Prædijs non exemptis mutatio culturæ non tollit, nec minuit obligationem Prædij Decimabilis in qualibet specie fructuum, sed vna cessante, Ius exigendi Decimas bene trahitur ad fructus subrogatos, ad *Text. in cap. cum in tua*, & *cap. commissum de Decim.*, *Giurb. obseru. 39. num. 13.*, & *seq.*, *Couar. par. resol. cap. 37. num. 5.*, *Rot. coram Mantie. decis. 341. num. 1.*, & *7.*, ita respectu Tenutarum, quæ ex priuilegio, vel immemorabili consuetudine reperiuntur in quasi possessione non soluendi Decimas ex qualibet specie fructuum, mutatio de vna specie ad alteram non alterat acquisitam exemptionem, sed illa in specie subrogata optimè conseruatur ad tradita per *Butr. in cap. cum in tua de Decim.*, *Abb. in capit. cum Ecclesiam num. 54. de caus. posses.*, *Rebuff. de Decim. quæst. 13. num. 61.*, *Giurb. obseru. 39. num. 29.*, *Salgad. de reg. protest. par. 3. cap. 10. num. 314.*, & *seq.*: Necindè considerabilis est vlla extensio præiudicialis, nam cum se habeat circa fructus eorumdem bonorum vigore immemorabilis exemptorum, reputatur eadem exemptio, & ratione compræhensionis in eis æqualis est determinatio *Posib. de manut. obseru. 73. à n. 136. cum plurib. seqq.*, *Rot. diuers. dec. 17. num. 3. par. 2.*, coram *Seraphin. decis. 1203. num. 1.*, & *2. cum alijs collectis in dicta postrema decisio- ne R. P. D. Cerri 15. Ianuarijs. Tali autem.*

Abque eo quod titulo huiusmodi resultante ex consuetudine non soluendi controuersas Decimas quoad binas Tenutas, de quibus particulariter agitur, obesse Dominis visum fuerit documentum antiquæ concessionis anni 1364. alias allegatum per Moniales in Tribunali Signaturæ iustitiæ, & nuper compulsatum, ac productum in Sæcro Tribunali per ipsum Archiepiscopum; Præmissis siquidem, quod enunciatio tituli veri non tollit præsumptionem alterius tituli resultantis ex centenaria, vel immemorabili quasi possessione, vbi vterque titulus non est incompatibilis; & Pars, quæ fundatur in ipsa immemorabili præscriptione in iudicio illam non emisit restrictionem, ac limitatè ad dictum titulum *Card. de Luc. de Iur. Patr. disc. 65. num. 4. disc. 57. num. 31. bon. mem. Ansaldo. in adnot. ad decis. 38. num. 17.*, *Rot. coram Benincas. decis. 352. num. 17.*, & *seqq.*, in *Recent. decis. 29. num. 50.*, & *seq. par. 7.* præsertim vbi titulus verus originem desumit ante centenariam, vel immemorabilem quasi possessionem, quia tali casu, & si idem titulus esset inualidus, adhuc non destruit, nec elidit immemorabilem, sed potius ex ea præsumitur validè confirmatus iuxta doctrinam *Innocent. in cap. veniens de verb. signif.*, *Ioseph de Rosa consulti. 12. num. 88.*, *Adden. ad Gregor. de-*

*decis. 51. num. 7., in Recent. dicta decis. 29. num. 52., & 35. par. 7. decis. 193. num. 18. par. 18., & in Verulana Abbatia 23. Aprilis 1706. §. Verum, & S. finali coram Reuerendissimo Lancetta.*

In casu presenti quodlibet obstaculum cessare videbatur ex dicta antiqua concessione, quia respectu Tenutarum *de Perobezquez*, & *Vrtada* eiusdem antiquæ concessionis titulus vndequeque validus, & efficax dignoscitur ad subtinendam exemptionem ex immemorabili possessione iam constabilitam dicti Monasterij; Cum namque dicto anno 1364. Archiepiscopus Toletanus ad instantiam Serenissimi Regis Catholici, & Agnetis Gargiæ eius Neptis, ac eiusdem Monasterij Fundatricis, sub explicita causa augmenti Diuini cultus, & pro honore Ciuitatis Toletanæ, aliisque initis conuentionibus, impartitus fuisset licentiam construendi in Domibus ipsius Fundatricis Monasterium clausurarum Ordinis Sancti Dominici, concessa exemptione à solutione Decimarum pro tot bonis, ac Possessionibus assignandis vsque ad valorem 25. m. merapetinorum tunc currentium, & in sequelam ipsius concessionis anno 1374. de consensu Capituli à principio reseruati deuenisset ad æstimationem Tenuræ *de Perobezquez cum duabus Vineis* à dicta Fundatrice assignatis, illasque vti non excedentes valorem marapetinorum 19. m. exemptas à solutione Decimarum declarasset; vtique posita ad eò solemni concessione facta per Archiepiscopum in primæua Monasterij erectione, concurrente causa, & cum consensu sui Capituli, in quæstionem nequit reuocari, quòd exemptio in ea resultans tamquam impartita longe ante sanctionem *Extravag. ambitiosa de reb. Eccles. non alien.* fuerit tali modo legitime inducta, quòdque vti valida, & efficax seruari debeat etiam à successoribus Archiepiscopis, qui illam concessit *ad Text. expres. in cap. quia circa de priuileg. iuncta gloss. in verb. iuxta canonicas sanctiones, ibique Panormitan. num. 2.,* aliique probant Canonistæ, & sequitur *Barbos. super dicto cap. num. 3.*

Et hæc exemptio non solum valida dicenda venit respectu Tenuræ *de Perobezquez* explicitis verbis contentæ in dicta antiqua concessione, sed etiam respectu Tenimenti *de Vrtada*, quod modicum esse supponebatur; Etenim cum Vineæ, quæ in ipsa Monasterij erectione, exemptionem receperant, fuerant successiue per ipsum Monasterium distractæ, itaut hodie ab illo amplius non possideantur, dictum Tenimentum *de Vrtada*, cuius respectu eadem continuata fuit exemptio, loco earundem Vinearum subrogatum præsumitur, & propterea eius respectu resultare debet idem exemptionis effectus, dum id, quod dicitur in creatione, vel concessione locum habere debet in subrogatione diutissime obseruata *Valenzuol. cons. 60. num. 4., & cons. 69. num. 256., Castill. controu. Jur. lib. 4. cap. 36. num. 52., Rot. coram Emerix Iun. decis. 1181. num. 30.*



Et dictaque videbatur procedere, etiamsi longæua quasi possessio, & respectiua continuatio exemptionis respectu vtriusque adij facta fuerit limitatè ad fructus perceptos ex cultura proprii Monasterij sumptibus facta, dicta verò antiqua concessio fuerit definita, nec ullam restrictionem contineat; Priuilegia siquidem exemptiua à Decimis cum non præsumantur realia, sed potius perinalia, fauent Priuilegiato in Bonis, quæ proprijs manibus, vel expensis excoluntur, non autem pro alijs arrendatis, ac retentis per Colonos, quorum fauore non extenduntur, vt ad litteram probat *Text. in cap. licet de Decim. Glos. in Clem. prima verb. excollendas & vers. sed numquid de Decim. ibique Canonistæ, Tamburrin. de Iur. Abb. to. 1. disput. 15. quæst. 18. nu. 31., & seq., Rot. coram Seraphin. decis. 827. num. 7., & per tot., coram Cels. decis. 118. num. 6., coram Joccin. decis. 615. num. 4., & in Recent. decis. 145. num. 10. par. 11. & proinde quidquid sit de qualitate dictæ antiquæ concessionis tanquàm declarata ab obseruantia centenaria, quæ nouos etiam titulos producit, eadem concessio remanet compatibilis *Card. de Lex. de Decim. disc. 5. num. 4., Couuar. var. resol. lib. 1. cap. 17. num. 8. vers. 3., Rot. coram Mantis. decis. 341. num. 8., & in Ferrarien. Decimarum 15. Februarij 1717. §. final. coram me.**

Et ita conclusum fuit vtraque &c.

ROMÆ, MDCCXXIV.

Ex Typographia Reuerendæ Cameræ Apostolicæ

Superiorum permissu.

